

2435 I

4

Dipaulera
lathra



नं कवेर तुल्य जुयाव जन्मकायी वधकं श्री भगवाननं सर्वा
 नंदराजायात आज्ञादय कलं ॥ २ ॥ हनं ग्वहमनुष्यन पो
 तासन मंडलदय काव तथागत पनि विज्या च काया पूरण
 न एधि वीया ईश्वर जुयाव जन्मकायी वधकं श्री दीपं
 कर भगवाननं सर्वानंदराजायात आज्ञादय काव विज्या
 तं ॥ ३ ॥ हनं ग्वहमनुष्यनं तायल अक्षतन तथाग
 तया हे वृत्त होलाया पुरणनं अतिशोभायमान जुयाव
 तथागतथ्यं पराक्रमलाना व जन्मकायी वधकं श्री
 भगवाननं राजायात आज्ञादय काव विज्यातं ॥ ४ ॥
 हनं ग्वहमनुष्यन भगवानया कपालस कस्तुरी कर्पू
 र कूंकुम गोरोचन शील थते पंचसुगंध श्रीखंडुस
 तयाव चंदननंति काव थया पुरणनं महासंपन्निला
 नाव अतिसंदर जुयाव तेजवंत जुयाव जन्मकायी
 वधकं श्री भगवाननं राजायात आज्ञादय काव वि
 ज्यातं ॥ ५ ॥ हनं ग्वहमनुष्यनं कुमारि मचानं फेना
 गू जजमका तथागतयात कोराय काया पुरणन स्वर्ग
 या इंद्रयाधिगू संपन्निलाना व महासखलात धकं
 श्री भगवानं आज्ञादय काव विज्यातं ॥ ६ ॥ हनं ग्व

ह्यमनुष्यनं पृथी सजायरपू लंख सजायरपू
 उकोलस्वान चवत्तस्वान पत्त्यस्वान आदि नाना
 प्रकारया नखागुस्वान तथागतयात छाया थापू
 रणनं देवराजथिं ह्य जुयाव लक्ष्मीवृद्धि जुयाव थ
 थिं गू संपन्निलाना व जन्मकायी धकं श्री भगवा
 ननं राजायात आज्ञादय कलं ॥ ७ ॥ हनं ग्वह
 मनुष्यनं श्रीखंड कस्तुर कर्पूर नखाकनं त
 थागतया शिरस लेपनया नाया पूरणनं भिं गू
 कूलसं जन्म जुयाव भिं गू शरीर जुयाव महा
 पचाक्रम दयाव महासखलायी वधकं आज्ञा
 दय काव विज्यातं ॥ ८ ॥ हनं ग्वहमनुष्यनं
 नं भक्तितयाव तथागत पनि त धूप आदि थना
 या पून्यनं न्हि न्हि छिया याना गुपापन ह्य जुया
 व अति तेज दयाव जन्मकायी वधकं तथागतनं
 आज्ञादय कलं ॥ ९ ॥ हनं ग्वहमनुष्यनं चिक
 ननं खेलनं वृत्ताव मतवियाव तथागतयात
 दोहलपाया पूरणनं अंधकार धयागू स्वयं न्यन्य
 मन्वालेकाव स्वयनुयया पूस जुयाव महासख

लाना व समस्तं यया गृभोगला त धकं श्री भगवानने आ
 ज्ञादय कल ॥ १० ॥ हनं ग्वहमनूष्यनं अत्यंत निर्मल
 आउं स्पचो न गृ सवाल भिना वचो न गृ अमृत तं रवि विया
 या पूरणं ॥ त व धन सभाग रा स थ्रेष्ठ जु या व जन्म जुयी
 व ॥ श्वह या ग्ववेल सं प्या सचा व या भाव मडु ॥ ११
 ॥ हनं ग्वहमनूष्यनं धाले हल अं व विहल केरा
 फंसि तुसि षर्वजा ल फल मूल आदि तथा गत
 दो हल पा या पूरण ॥ थमन गुगू ई छा या ना व गूलि
 फल लातं ॥ १२ ॥ हनं ग्वहमन पंचामृत धाय
 घेल कस्ती सारव इइ धौ हनं पंच सुगंध पंचरत
 न हा फोल खान नायल अक्षत नं जुक्त या ना व त
 थागत या चर रा कमल स अर्घ या ना या पूरण
 त व धन संपन्निला ना व महा सुख जुयी व ॥ १३
 ॥ हनं ग्वहमनूष्यनं श्रद्धा भाव त या व पृथ्वी स उ
 त्पत्ति जु व गृ वा द्यो मासं म्वात आदि चतुः षष्टि
 ६४ वीही दान विया या पूरण गुगू ई छा या त
 उगू फल लातं समस्त भोग ला ना व कुवेर व तुल्य
 जु या व जन्म जुयी व ॥ १४ ॥ हनं तथा गत या त

क्षीर भोजन या का या पूरण राजलक्ष्मी जु या व महा
 संपत्ति जसला ना व जन्म कायी व धकं तथा गत नं
 आ ज्ञादय कलं ॥ १५ ॥ हनं ग्वहमनूष्यनं वा स
 ल आदि दय का व ग्वल क चि ना व तथा गत या त
 दो हल पा या पूरण ॥ श्वहमनूष्य ज्वाथ जुल सानं
 शरीर निर्मजु या व ज्वाथ या भाव मडु ॥ दुरोग नं क
 य मडु धैर्य वंत जु या व त व धन कूल स जन्म जु या
 व सुख भोग लायी व ॥ १६ ॥ हनं ग्वहमनूष्य
 नं सूका इग् मूलु तथा गत पनित दो हल पा या
 पूरण वुद्धि वंत धैर्य वंत दक्ष गुरा नं जुल सां जु
 क्त जु या व इह लोक स सुख संपत्ति परलोक स मो
 क्ष गति ला ना व नरक गति व न्य म म्वात ॥ १७ ॥
 हनं ग्वहमनूष्यनं तुयु जु या व तप्य ना व चो न गृ
 अत्यंत भिन गृ सलां तथा गत या त दो हल पा या पु
 रण पंडी त जु या व वुद्धि मान जु या व त व धन कूल
 स जन्म या व ॥ १८ ॥ हनं ग्वहमनूष्यनं भिन का
 व पंच पक्वान तथा गत या त दो हल पा या पूरण भा
 ग्य मानी जु या व षट् रस या स वा सि या व वज्र थं शरी

रजुयाव इश्वरजुयाव जन्मकायीव ॥ १९ ॥ हनं ग्व
 ह्ममनुष्यनं तथागतपणित जाहि दानयायीव थू
 गुरूपणनं संपन्नित पूर्णजुयाव दक्षगुराज्ञाननं से
 जूक्तजुयाव चिंतामणिकल्पवृक्षाय सखभोगलायी
 व ॥ २० ॥ हनं ग्वह्ममनुष्यनं चतनजा तथाग
 तयात दोहलपायापूरणनं नवधनकुलस धर्मा
 त्माजुयाव समस्तलोकनं स्वयययाव अनेकसंप
 तिदयाव जन्मजुयीव ॥ २१ ॥ हनं ग्वह्ममनुष्यनं
 तथागतपणित चिदानयानायापुन्यन गुरुचांछा
 यात उगृकार्ययासवालसियाव ज्ञानयासवाल
 थ्वतेषूतायां सवालसियाव विवेकदयाव नीमनिं
 सियाव जन्मजुयीव ॥ २२ ॥ हनं ग्वह्ममनुष्यनं
 चिकनदानवियीव थल्लनुष्य सुंदरजुयाव शत्रू
 पणितेनं गुरावरानियातकाव जन्मजुयीव ॥
 २३ ॥ हनं ग्वह्ममनुष्यनं तथागतयात चौकुसा
 छत्र दानयानायापूरणन पुहिसयाचंदमाथ्यं नि
 र्मलजुयाव सूर्यथ्येतेजदयाव जन्मजुयीव ॥ २४
 ॥ हनं ग्वह्ममनुष्यनं तथागतपणित कापालकाम

दानविया यापूरणन दशदिगशं हर्षमानयानाव दे
 वलोकनं मनुष्यलोकनं समस्तलोकनं खनकाव
 सुवर्णयाविमानसथनाव स्वर्गवासलायीव ॥ २५
 ॥ हनं ग्वह्ममनुष्यया सुवर्णयागुपिंडपात्रदोहल
 पीव अथवावहलनंदयकाव अथवा सिजलनं
 दयकाव गुलितेनं चानंज्यानाव नानाप्रकारयाधा
 तुनंदयकागुपिंडपात्र क्यतासहित अन्नप्यापल
 नंथनाव सुवर्णनंतोकपूयाव तथागतयातदोह
 लपायापूरणनं असंख्या संख्यामदु समस्तदानयो
 नायाफल संख्यायायजिव गथाधालसा चतुःखंडुरा
 ज्यदयकाव चतुर्दिगतं कोस १२ नानारतन नाना
 अन्न नानापशु नानाकव पर्वत वस्त्र चेलभार्ति
 आदिंजुक्तजुयाव चोनगु थथिंगुथायस भुक्तपक्ष
 या अष्टमीयून भिंगुवेलास नवरत्नयाविमानस थ
 नाव स्वर्गयमं ॥ २६ ॥ हनं ग्वह्ममनुष्यनं थमनंद
 यकावतयागु संपन्नित तथागतपणित श्रद्धाभाव
 तयाव दानयानायापूरणन समस्तसंपन्नितानाव गुरु
 इच्छायात उगृफललानाव मोक्षधायश्चमथ्यथमनं
 सोलवन्मदुल्लजुल ॥ २७ ॥ अथ्यं हे सर्वानन्द राजा

धर्मदयकाव. तथागुसंपत्तिन. श्रद्धाभावतयाव. ग्व
 ह्यमनूष्यन. तथागतप्रमुखन. भिक्षुगणापितदान
 यानायापूरणन. धर्मेगुपूरणलातधक. दीपंकरत.
 ध्यागतनजुलसां. दीपावतिनगरस. सर्वनिंदराजा
 यात. आज्ञादयकावविज्यात ॥ २८ ॥ थुलियाका
 रणास. दानधयागु. लोकयातिल. हिलजुयावचोन
 हनं. दानधयागुलि. दुर्गतिवन्ममत्वालावचोनगु
 हनं. दानधयागु. स्वर्गथाहोवन्मगु. स्वाहान्यजुयाव
 चोनं. हनं. दानधयागुलि. मभिनगुफुतकाव. मंग
 लयानावचोनधक. तथागतपनिसेनं. आज्ञादयका
 व. विज्याकजुल ॥ ३० ॥ शुभम् ॥

तथा

ॐ नमो रत्नत्रयाय ॥ ॥ हापां. बुद्धधर्मसंघयातन
 मस्कार ॥ ॥ यतो सत्यं ततो लक्ष्मी. यतो लक्ष्मीस्ततो
 हरिः ॥ यतो हरिस्ततो धर्म. यतो धर्मस्ततो जयः ॥ १ ॥
 गनसत्यदत. अनलक्ष्मीविज्यात. गनलक्ष्मीदेवी. वि
 ज्यात. अननारायनविज्यात. गननारायणविज्यात
 अनधर्मविज्यात. गनधर्मविज्याते. भनजयजूयी
 व ॥ ॥ धर्मउवाच ॥ ॥ हापां. धर्मन आज्ञादयकाव.
 विज्यात ॥ ॥ भोलक्ष्मी. ध्वसंसारस. स्त्रीजातिप्रमुखं. म
 नुष्यपनि. स्वर्गवन्मगु. लंजुयावचोनगु. धर्माधर्मल.
 क्ष्मीसंवादकथा. न्यन्यमाल. गथ्यन्यन्यमालधालसा. म
 नसमाधानयानाव. न्यन्यमाल. मनसमाधानधयागु
 गथ्यधालसा. धवचित्रमेलेमछोस्य. केवल एकचित्र
 यानाव. न्यन्यमाल ॥ ॥ हनं. मिखानं. म्यत्यमत्वस्य. एक
 चित्रयानाव. धर्मकथाकंगुजक. स्वयाव. चोन्यमाल ॥ ॥ ह
 नं. नृसपननं. मेल्यमतायकस्य. केवल. धर्मकथाजक
 न्यन्यमाल ॥ ॥ हनं. लूननं. नोनमवास्प. एकचित्रयानाव.
 न्यन्यमाल ॥ ॥ हनं. मनमेलेमछोस्य. एकचित्रयानाव. नृ
 गलसइहांवनक. न्यन्यमाल ॥ ॥ ग्वहस्त्रीजातिन. ज्ञान

५५ श्री श्री

गुणा पतिवृता धर्मलायगु इच्छायान् ॥ १ ॥ अस्मिन्
 जनने एकचिन्तयाना वन्यमाल कुतलमदय
 कन्यनसा ॥ अस्मिन् अज्ञानी जुयीव आज्ञानी जु
 स्पंलि ॥ धर्मया लंसियीव मयु ॥ धर्मया लंसिसि
 लि ॥ पापकर्मयीयीव ॥ पापकर्मया स्पंलि ॥ महादुःख
 सियीव ॥ दुःखी जुस्पंलि ॥ लोकननिं दायका व ॥ तवने
 तं अपमान स्वयाव ॥ सियमालीव ॥ हने यमपुरस
 नरकसवासलाना व ॥ यमसासनानयमालीव ॥
 थुलिया कारणास ॥ ज्ञानगुणा धर्मलायगु कथा
 न्यन्यवेलस ॥ एकचिन्तयाना व ॥ न्यन्यमाल ॥ २ ॥
 हने भोलेश्वरी देवि ॥ लोकहितयायति मित्रिन ॥ छलपो
 लंया केनना ॥ अस्मिन् सारस ॥ मनुष्यलोकपनि ॥ गुलिछिं न
 वमि ॥ गुलिछिं कंगाल ॥ अस्मिन् सारस ॥ मनुष्यपनि ॥ गथडति
 मयना ॥ थुगुवृत्तांतरवेंजित कन्यमाल धकं ॥ धर्मनलक्ष्मी
 देविया केनना ॥ अनेलि ॥ लक्ष्मी देवी न धर्मया के ॥ विनि
 यानं ॥ ॥ भोधर्म ॥ अस्मिन् सारस ॥ भुत भविष्य वर्तमान
 सकतां ॥ छलपोलसेन सिस्यविज्ञाक ॥ अथ नंजिन वि
 मति याय ॥ ॥ भोधर्म ॥ आमखं गथ धालसा ॥ जिन क

न्य ॥ न्यस्य विज्ञा इत्य ॥ गथ धालसा ॥ अस्मिन् सारस ॥ मनुष्यप
 नि छेंस ॥ किं ॥ लाल ॥ खै ॥ चो ॥ खि ॥ चिप ॥ उत्पन्नो न ॥ थथिं
 गृथायस ॥ जिन्नो न्यमयया ॥ हने वपयमन्याव ॥ हने वं
 जकपुनाव ॥ धूलदं ॥ मूनका वतव ॥ हने कचिंगलयाना
 व जुयीव ॥ हने माघा पिछानं गयाव ॥ चोनगु ॥ शोभामदु
 गु ॥ थथिंगु छेंस ॥ जिन्नो न्यमयया ॥ हने अतिनिश्चर ॥ अ
 लासि धपलि ॥ लाहा सियम ह्याव ॥ नुति ॥ स सियमन्याव
 रत्नालमसिस्पंनयीव ॥ कूहंदस ॥ दवलमदयक जुयीव
 मभिं गृचिन्त ॥ नयत्तनेस ॥ खनकं ॥ मखनकं ॥ थवरुकां
 तनजकनयीव ॥ थथिंगुथायस ॥ जिन्नो न्यमयया ॥ हने
 वेको यानाव ॥ सख आदि ॥ लासा लायावतयीव ॥ भ्वातल
 दं ॥ थंगे ॥ थलभल आदि ॥ जाना हांत वगु छे ॥ थथिंगुथा
 यसं ॥ जिन्नो न्यमयया ॥ हने छाकपलाखतयाव जुया
 व ॥ छाकवचन हाना व जुयीव ॥ छाकलासाथनीव ॥ धू
 लवोयक वं पूयीव ॥ याननं नौ वायीव ॥ याननं लंख आ
 दिं वायीव ॥ अति अहंकारी ॥ लोभिमिन्नाहा ॥ गुमानि ॥ भ्वा
 तलवसत ॥ हाकूक ॥ खितिथाकाव ॥ पुनाव जुयीव ॥ हने
 वंस ॥ अंगलस ॥ धयं पूसा लावतयीव ॥ मिसा जननं ॥ सिन

याव. ईफानावजुयीव. थथिगुथायस. जिचोनम
 यया. हनं. संधाकालस. वंपुयीव. संधाकालस.
 मतमदयकनयीव. संधाकालस. देनीव. खंराजु
 व. मेवयामभिखंचिन्नायाक. मेवयाखन्यनाव. वि
 वेकमयास्यं. छेसकचिंगलयानाव. ल्वापूथुयीव.
 हनं. हनामहना. मदयकाव. मिसाहन्यमालगुछे॥
 वडुनायकधाय. सकलेनायकजुयावचोनगुछे. थ
 थिंगुथायसजिचोनमयया. जिमचोनाथास. हिन.
 कोटिप्रमाणन. धनइतहलसानं. थिरमजुव. काक
 भाजनस. लंखफुतितयाथं. सुसलपाव. फुनाव. व
 नीव. धनिकजुमजीव. धनिकधाय. तवमिजुयम.
 जिव. गथाधालसा. कुलशराधाय. मभिगुजकयाना
 व. कचिंगलयानाव. चोनगु. थथिंगुछेस. पिशाचन.
 वासयायीव. थलपिशाचन. यकधनडुतहलसानं
 फुकावचोनीवधक. श्रीलक्ष्मिदेवीन. धरमयातकना
 जुल॥ ~~इति श्रीधर्मलक्ष्मीसंवादे प्रथमोऽध्यायः॥~~

१ ॥ पूनवरि. हनं धर्मनलक्ष्मिदेवीयाकेन्यना॥
 भोलक्ष्मीदेवी. गथिंगुथायसजक. छिनवासयानाव

विज्याना. छिनविस्तारणा. जितकन्यमालधक. आज्ञादय
 कृग. धर्मया आज्ञान्यनाव. श्रीलक्ष्मीदेवीनविमतिया
 तं॥ ॥ भोजगतजननी. श्रीधर्म. न्यस्यविज्याडुने. ग
 थिंगुथायस. वासयायधालसा. सुचित्रजुयाव. चित्रभि
 नाव. कपतमदयावचोनगु. केवल. यचूस्पचतकनाव
 चोनगु. थथिंगुचित्रयात. सुचित्रधाय. अथांस्सचित्रजु
 याव. थवपूरुषयाके. कपटमयास्य. कामलोभभावन
 मेवपुरुषयारवालमस्वक. कोमलवचन. नारीसेचोन
 गस्वर. न्यन्यतुययापूग. हनं. आदरमावा. आदरधाय.
 मानदयावचोनगु. वचनबोलि. थथिंगुअमृतस्वर
 पजुयावचोनगु. वचनल्हायसव. हनं. शीलस्वभाव
 भिन. शीलस्वभावधयागु. छूधालसा. ग्ववेलसं. वि
 उंरवालमयास्यं. सदाकालं. चतकनगुरवालयानाव.
 मूसडुनंहिलाव. थवकेउत्पत्तिजुवगुअहंकार. प्रका
 शजुयमलावं. थमनं. अहंकारयात. फुकाव. अहंकार
 धयागु. ग्ववेलसंपितमकोसे. ह्यागुहेडु. खजुलसानं
 डुगवमचास्य. हसंयायफयकाव. चित्रचंचलमयास्य.
 केवल. कानुगुचित्रयानाव. मत्पोधयागुमयास्य. मत्पो

गूमन्यंसे. मत्तो गुरवं मल्हास्य. मत्तो गुमतोस्य. मत्तो
 गूमकास्य. मत्तो धावथास. मत्तो सा. केवल. थवतज्ञ
 नगुणादयो. थधिगु धर्मकथा एकचित्रयानाव. रु
 स्थचोनीव. हनं. थधिहस्तीन. त्वमन्यवसकतांसि
 यकाव. भिनककुलाचारयायीव. ॥ भोजगतस्वा
 मिश्रीधर्म. रुस्थविज्याहुने. गथधालसा. ग्वहस्तीजा
 निजुयाव. चोनहन. वखागमनधात्र. खाहात्यवद
 न्यमाल अथवा. थिथिरखालसिय. इथमइथचोनवे
 लसदन्यमाल. ॥ भिनकंतुयुजुयकाव. दन्यमन्येव. थ
 वपुरुषवसिवसदायकेमतेव. थुलियाकारणास.
 नुयूमजुव फकहापादनाव. थवप्रभुस्वामिया. च
 रणासभोकपूयाव. ॥ हनं. थुलिभावनायाय. गथभा
 वनायायधालसा. ॥ भोजप्रभु निशधायकेलव
 वगुवेलस. जिगुशरीरनं. छलपोलयाशरीरसंअप
 राधयानागुदयीवधक. थुलिभावनायानाव. क्षमाया
 यमालधर्कचरणासभोकपूय. ॥ थनंलि. थवदेना
 गृकथास. नुफिजोनाव. पीहावयाव. फलंक्षित्यं. वसि
 वंपूय. धूलत्पनकपूयमतेव. केवल. एकचित्रया

नाव. फलंक्षित्यं. धूलमवोयक. वंपूयीव छेसं. सक
 भनं. सुखआदिंलासाथनाव. कचिंगलमदयक. सक
 भनं पूय धनकाव. धूलसुचकाव. थवकथानधूनके
 सव. ॥ थनंलि. कोथनमगावेलंखकालवन्मह्याव
 हनं. लाहातसिय. छुतुचोत्य. खालसिय. नुतिसिय. हनं
 चोलापतिननवावुयमतेवधकसियकाव. दथपतिं
 ह्यालापतिनन. वावूयाव. खालहसपनगलपोतसि
 य. ॥ हनं. पूजाभलप्रभृतिं. ताहांफ. गोलप. धलपआदिं
 वूयह्याव. ॥ हनं. भनुलिस. मूलखायापिन्य. सासखिने
 वंथिलाव. शुचिपवित्रयानावपूजावयपीव. हनं. न
 खाकग. कलनं वूह्याव. हसकनस्वयाव. यचुकत्व
 यनुययापूक. समालयायह्याव. सिहलंतियह्याव. ह
 नं. वस्त्रनंपूणह्याव. भक्तिदव. थवपुरुषयात. खानवि
 याव. अनियायह्याव. वासलंखहिलाव. यचुकवूया
 वतयह्याव. ॥ हनं. ह्याव. वसुकजुलसानं. फयाथसाको
 नकाग. ईछायायीव. ॥ हनं. छुवसुकजुलसानं. थवरु
 कांतन. नयगुईछामड. थवप्रभुप्रमुखनं. सकलप
 रिवारयाखालस्वयाव. नयगूरसजुयीव. सकलयातंवि

यधूनकाव. थमननयगुरसजुयीव॥ हनं. फलमूलआ
 दि. नयवस्तुक. थवप्रभूयात. आगंमतस्यं. मनव हनं
 भीगूचीजबीज. सानाव. चोनगूवस्तुक. थमनं. मनस्य.
 थवस्वामियात. नकेधक. ल्यानकावतयीव. हनं. थव
 प्रभूयावचन. लंघनामयाक. गुगुलिअधाययात. उगू
 लितयारयानावचोन॥ हनं. थवप्रभूया. रवालस्वयाव. म
 हाआनंदभालपाव. रसतायावचोन॥ हनं. थवप्रभूया.
 के. सुसारयानाव. सेवायाय. न्याव. थवप्रभूयाकेसुहेति
 जुव. सुहेतिधाय. छुधालसा. थवप्रभूयावानि. स्वभाव
 थथधकसियकाव. थवप्रभूया. गुगूकथनवस्वनं
 पूनेयव. गुगूकथंवननतयां. सन्नाव. गुगूकथंजुयां
 यावचोन. गथथवस्वामियाचित्रस. लोयावचोन. उगू
 कथं. थवस्वामिवलिस्य. सुहेतिजुयाव॥ हनं. ह्रिथं. सुसा
 रयानाव॥ थवजव. पालाहानप्रभूयातफूसतयाव. थव
 निलहिलफूससखायाव. वस्त्रलिकोसखायाव. थव.
 स्वामियारववसदेनाव. सुखभाहपावनिडाजुयीव
 हनं. कूटुंवनिदानयायमाल. गथधालसा. अन्न. वा
 जाकि. छो. आदिषूयपता ६४ बीहिन्हागुजुलसां.

अतिविचारयाय ह्याव. धूलसवाकावतलसां. सितिंस्
 कामतेवधक. सियकाव. धूलहायाव. अन्नछग्वलदत
 लेविचारयानावकायीव॥ हनं. मलमूत्रधाय. रिव. चो.
 आदिं. अभुचिथायस. वाकावतलसां. थगूअंनस्वया
 व. हाहाथुगूअन्नसितींस्सीन. सितिंस्केमतेवधकं
 मान्ययायीव॥ ॥ भोधर्मथस्वस्त्रीजनखनाव. अतिषु
 सिजुया. छानधालसा. ग्वस्त्रीन. अंनयात. आदरभा
 वन. मान्ययात. थुगूभावखनाव. जिअतिसंतोषजुया
 वचोना॥ अन्नयातमान्ययानानं. जितमान्ययाकगू. अ
 न्नयातनिंदायाकगूधकं. श्रीलक्ष्मीदेवीन. श्रीधर्मया
 त. विमतिभाघानकना. थुलियाकारणास. अन्नविचा
 रयायमाल॥ ॥ अंनविचारयानान. धनिजुयावचो
 न. गथधालसा. धनिकधाय. महाजनछस्सेन. अ
 न्नछग्वल. नवफातगूत्वहंयाकूपीस. कृतिंवनार.
 चोनगू. थअंनसितिंस्सीन. थअन्नसितींस्काअ
 जोग्य. थत्वहंकूपीसचोनगूअन्न. रंगलपंछि. चषू
 वषू. पनिसेनं. नयमजिव. सितिंस्कमजिव. छान
 धालसा. अन्नविचारयानान. लक्ष्मीदेवीविचारयाना

गृभाव. अंनयातनिंदायानान. लक्ष्मीदेवीयात. निंदा
 यानागृधक. भुगृभावसियकाव. नृस लज्यामिदय
 काव. थल्वहंफातपोलाव. थअन्न. तवचोतं. मान्यया
 नाव. थवहंसयनजुल, **॥** थलधनीकनाम महाजन. कु
 वेरसमानजुयावचोन **॥** **॥** थलियाकाररास. अंन
 धयागृ. सिनिंल्लूकेमतेव. विचारयायमाल **॥** हनं. थ
 लभल्लआदिंसिल्लह्याव **॥** हनं. हिनहसपोलवंपूय
 मालसानं. अलासिमजुव. अंगलस. मायाधिवानंग
 यावचोनसां. पूयह्याव. निथं२ देनालासाथनेह्याव
 मोलल्लुय. हसियह्याव. वसतहियह्याव. जनिषन
 जुलसां. गानजुलसां. प्यनतोपूयावजुयह्याव. सदानं
 यचुकजुयह्याव **॥** हनं कथाआदिं. छेलि. मातं. चोत.
 छेछरवी. सघरयानाव. धंधुपाययायह्याव. अनेक
 ज्यासव. वृद्धिवंत. क्षरामात्रनार्य. संमूकचोन्यमन
 महु. **॥** इतालनिलेह्याव. मिन्ययकंतयह्याव. थम
 नंमसिलगृ. न्यन्यह्याव. लंखकालवन्मह्याव. हनं
 स्तानंछुयह्याव. जजंकाकाय. घेरदिवाथने. कर्पू

रपोलचिय. थसकतांह्याव हनं चोनेतुययापूक. स्रघ
 यानाव. चोनीव. थथिल्लमिसान. कंदंवजोनीव. थगृथा
 यसजिनवासयाय. जिनवासयानागृहंस. गथथुरुप
 क्षयाचंद्रमावधयजुल. वथ्यं. हिहिद्धियासंपत्रिवध
 यजुयाव. सुखआनंदनचोन्यदयीवधकं. श्रीलक्ष्मि
 देवीन. श्रीधर्मयात. विमतिभाषानकनाजुल **॥**

इति श्री धर्मलक्ष्मीसंवादे द्वितीयोऽध्यायः **॥ २ ॥**

॥ हनं. श्रीलक्ष्मीदेवीन. धर्मयाकेविंतियातं **॥**

भोजगमाता. श्रीधर्म. जिनजुलसां. छलपोलयाकेछ
 ताविंतियाय. लोकपनिहितयायनिमिन्निनं. धर्मपा
 पयारवं. आज्ञादयकावविज्यायमालधकविमतिया
 तं **॥** **॥** थनंलि. लक्ष्मीदेवीयागृ. विंतिनेनाव. श्री

धर्मनं. आज्ञादयकावविज्यातं **॥** **॥** भोलक्ष्मीदेवी

न्यद्रुन्य. पापपूरापयाफलं. गथ्यधालता. थसंसार
 स. थमंयानागृकर्मन. षट्गतियोनीसजन्मजुल **॥**
 छुछुयोनिधालता **॥** गलिछिंदेवयोनी. देवजुयाव.
 जन्मजुलं. गलिंपभजुयावजन्मकालं **॥** गलिं. मनु.

ष्योनिजुयावजन्मकाल ॥ गुलिं प्रेतयोनिजुयावज
 न्मकालं ॥ अथ हेलक्ष्मीदेवी श्वसंसारस गुग्ममं क
 र्मयात उग्र २ कर्म अनुसारनं षट्गति देव दैत्य म
 नुष्य पशु तु प्रेतजुयाव कर्म भूक्तमानयात ॥ १॥
 हनं हेलक्ष्मीदेवी थमं याना कर्म अनुसारनं जन्म
 काल ॥ गथ्य धालसा श्वसंसारस चतुर्योनिदयावचो
 न चतुर्योनिधयागु धु धालसा अनजा श्वेतजा
 जरायुजा उद्गीजा श्वपता योनिस सकल प्राणिज
 न्मजुयावचोन ॥ ५ ॥ हनं हेलक्ष्मीदेवी श्वपगु यो
 निन जन्मजुवपनि गुलि धालसा चय प्य केलाप्र
 जातिया योनिदयावचोन अथ श्वचय प्यलाय
 योनिस गुग्ममं याना उग्र कर्मजुयावचोन उग्र
 कर्मया अनुसारथं जन्मजुयाव दुःख सूरवसिया
 वचोन ॥ गथ्य धालसा श्वसंसारस मनुष्यपनि स्त्री
 जातिजुयाव थव पुरुषयात तं मोरवाल याना व
 स्वयागु यापापनं लिथुजन्मस तमोवालमि
 साजुयाव जन्मजुलं ॥ हनं ह्राससेकुं क अति को

धरवालजुयाव वानमला क प्रजुयाव जंमजुलं
 हनं थव पुरुषयात विरसयाना व कनायापापनं
 लिथुजन्मस रसमइ ह्र धायका व जन्मजुलं हनं थ
 व पुरुषन अधायया क गुग्म उजुं मयाना यापापन
 लिथुजन्मस चो कानं ज्यायाय मकुल जुयाव खा सुमि
 सा धायका व जन्मजुलं ॥ हनं थव थव पुरुषयात मि
 खानं व कुं २ भाया भायां स्वयायापापनं लिथुजन्मस
 यालिं जुयाव जन्मजुलं ॥ हनं थव पुरुषन धावगु रवं
 नास्यनं मता धुया नायापापन प्रसिं जुयाव जन्मजुलं
 हनं थव पुरुषयात ह्र क वचनत यायापापनं स्व
 गलिं जुयाव जन्मजुलं ॥ हनं थव पुरुषयात ह्रतुफ
 स्वका व निंदायाना यापापन लिथुजन्मस फ स्वगु
 ह्रतु जुयाव जन्मजुलं ॥ हनं थव पुरुषव नाप गलप
 त नतपूक उतिं लिसल विद्याव त्वाना यापापन लि
 थुजन्मस गलदि जुयाव जन्मजुलं ॥ हनं थव पुरुष
 यात मम्वाल्य न्वन मवास्य चानं हिनं विछंदरुपधा
 य धपलं चो नाव के नाव चो नायापापनं लिथुजन्म

स. अलिजुयाव. अंगलशरामदयकाव. कगलेहेचोन
गुलाहान. पागला. पागलां. चोनगुतुतिजुयाव. जन्म
जुल ॥ हनं. थवपुरुषयात. स्तुतुधोगीमाधक. सराप
वियायापापन. कै. पो. शूल. आदिं वयाव. लिथुजन्म
स. थवगुस्तुधोलगित ॥ हनं. थवपुरुषयात. लाहा
तधोगीमा. तुतिधोगीमाधक. सरापवियायापापनं
लिथुजन्मस. लाहान. तुति. थूथा. अयातिजुयाव.
तुंदायकाव. नवयकधोकगिनाव. जन्मजुल ॥ ॥
थुलियाकारास. हेतुक्ष्मीदेवी. थसंसारस. देवताया
तजुलसां. थव. गुरुयात. थवमाम. वौवयात. थवपू
रुषयात. जुलसां. अज्ञानीमिसाजनन. शास्त्र. धर्म.
लक्ष्मीसंबादकथा. भगवानयाफथा. न्यनमनमडु.
न्यनसांपुतीतमजुल. मिचाहाजुयाव. थवस्वामिया
त. व्यक्तमिरवांस्वयागु. नास्पनंमतादुयानागु. न्यवम
न्यवविचारमयास. थवपुरुषयात. अपराधयानाया
पापन. थथिं ३ गु. यालिंषुसिं. गलदि. अलिजुयाव. लो
कनंनिंदायायजोग्यजुयकावचोन ॥ ॥ अथधर्मया

नागुकर्मन. वानमलाकाव. जन्मजुल ॥ थमनयानागु
कर्मनं. सास्तिनयमालधकं. श्रीधर्मनजुलसां. श्रील
क्ष्मीदेवीयात. लोकयनिहितयायनिमित्रिन. आज्ञा
दयकावविज्यातं ॥ हनं. श्रीलक्ष्मीदेवीन. विंतियातं
गथविमतियातधातसा ॥ ॥ हेजगतजननी. श्री
धर्म. थमंयानागु. कर्मनं. यालिं. पूसींगलदिआदि.
जुयावगुरुवं. जिनंन्यनधून ॥ हनं. थमंयानागुकर्म
नं. थवतसास्तिनयावचोनं. गुरुवं. गथधकं. थगु
वृत्तांत. जितआज्ञादयकावविज्यायमाल ॥ थतेल
क्ष्मीदेवीयाविमतिभाषान्यनाव. श्रीधर्मन. आज्ञा
दयकावविज्यातं ॥ ॥ थमनं. यानागुकर्मन. थम
नं. सास्तिनयावचोनगुरुवं. गथधातसा ॥ ॥
हेतुक्ष्मीदेवी. हनं. अज्ञानीजुयावचोनल. स्त्रीजाति.
न. थवपुरुषयातबोलवियाव. नुगलसस्याकायापा
पनं. म्य. कापाहुलिनकाकाव. जमइनपनिसेन.
अतिसासनायात. लिपतस. अलिजुयाव. वनं २ बोल
वियकाव. अपमान. नयाव. सदानं. थवनुगलसस्या

काव. जन्मजुयावचोन. हनं थवपुरुषयात. लाहात
नपुहारयाताव. थवमिसा. जमपूरीस. लाहातनिपी
चूं २दनक. वीकिलताताव. सास्तियातावतल. हनं
लिपतस. लाहातथथाजुयाव. जन्मजुयावचोन. हनं थ
वपुरुषयात. लाकमन्यानायापापन. खोचाधारस.
न्यायकाव. तुतिप्यपनंकसास्तियाताव. वृहपापीया
त. गुलितमाल. उलितंसासनायातं. लिपतस. पुलिंक. तु
तिमइहजुयाव. जन्मजुल. हनं. थवपुरुषयावसास.
मचोस्य. परपुरुषयावसास. चोनायापापन. नरकसत
याव. सास्तियातावतल. हनं. थवपापियात. भातिजु
याव. जन्मजुल. हनं. थव. पुरुषननलसा. यस. चाक
य. नलधकधयाव. थमंजकनयाव. परपुरुषयातन.
काव. थवपुरुषयात. लंखनार्पमत्तंकस्य. घानला.
काव. सास्तियातावतल. हनं. प्रेतजुयाव. भूचीमूख
जुयाव. पर्वतथिगूषाथ. मूलयाकयंचालवहगूलत
जुयाव. चानंहिनं. नयप्यप्ताकाव. लंखतोनेपासचा
यकाव. जन्मजुल. हनं. थवपुरुषयाकूतुंव. अन्नआ

दि. धनसंपत्ति. कचिंगलथनाव. थवस्वामि. रव्य
कायापापन. रौरवधयाग्नरकस. चांचा. हिंही
दिपालमदयक. रव्यकाव. महासास्तियातावत
लं. ॥ थनंलि. थवपापिनि. दरिद्रकगीजुया
व. हिंहीरवल्पीचालाव. लोकननिंझायाकाव. जन्म
जुलं. थवपुरुषयात. नके. मनके. यानाव. थवजकसा
कभिन्नकनयाव. थवपुरुषतोलाताव. मेवपुरुष.
यात. लं. वकयायापापनं. वले २ थिरयायमकया
व. भाग्यमदयाव. महादुःखसियावसितं. ॥
थनंलि. यमदूतपनिसेनं. थवपापिनीयात. नुगल
संपंतानाव. सास्तियातं. ॥ थनीलि. खड्गवागापीगू.
नरकसंतयाव. थवपापिनीयातरीस. खड्गवा
गातं. ॥ गथ्यथवरवड्जुतधातसा. थवपापिनीयात
नार्प. खड्गछपुछपुंतक. इहावनावचोनं. ॥ हनं
थवपापिनीयात. यमकिंकरपनिसेनं. थवरवड्जुन
तियावचोनगू. सज्वनाव. उष्यं. थुष्यं. ग्वडा २ तु
यकावहलं. हनं. थुष्यं. उष्यथं. क. ग्वडा २ तुयकल

छोतं॥ हनं॥ अस्त्रपापिनीयाहसचोनगुखडू
इकिथिकिसनकाव॥ लिकायीव॥ लिकायधू
नकाव॥ अस्त्रपापिनीयाह॥ हनं॥ म्योगुखडूवागा
यीव॥ थूगुप्रकारणी॥ दोलछिदीयासास्तियाना
वतलं॥ हनं॥ जंबूदीपस॥ कठिजूकाव॥ नुंदाय
काव॥ त्वालेनापेनवयक॥ लधोगिकाव॥ महा
दुःखसियावजन्मजुल॥ अथ॥ हेलक्ष्मी
देवी॥ अमनुष्यलोकपति॥ नास्तिकजुयाव॥ लि
पतस॥ ह्यागुथजुधकं॥ थमनं॥ यानागुकर्म
न॥ थमनं॥ यमसासनानयाव॥ महादुःखीजुयाव
जन्मकयावचोनं॥ थूलियाकारणास॥ धर्मकथा
रुनाव॥ थथिंगुसासनानयमालीवधकं॥ लुम
नकाव॥ थवशरीरस॥ पृथंभतिचाडुहांवनक
कयीवेलस॥ थूगु॥ प्र॥ इकिथिकिसनकावियवे
लस॥ गथ्यस्याक॥ अथीं॥ गयमसासनयायीवेल
स॥ गथ्यसहयायधक॥ तवचोतंग्याकलजुयाव
वारवारधर्मकथा॥ थवनूगलस॥ इहांवनक

द॥ माव॥ थगुधर्मलक्ष्मीसंवादकथासलहानावत
वृथं॥ थवपुरुषयासंवायायमाल॥
इति॥ श्रीधर्मलक्ष्मीसंवादेनृतीयोधाय॥ ३
॥ हनं॥ पूनवार॥ श्रीधर्मनआज्ञादयकाववि
ज्यातं॥ ॥ भोलक्ष्मीदेवीदुःख॥ ग्वहमनुष्यन
धर्मयायगुवांछायात॥ पूरणलायगुवांछायात॥
अहमनुष्यन॥ एकचित्रयायमाल॥ हापां॥ थव
गुचित्रथमनंचियमाल॥ छानधालसा॥ थवगु
चित्रथमनंचियमफयाव॥ थथिंगुसास्तिनया
व॥ जन्मकाल॥ धकंसियकाव॥ थवगुचित्रथमनं
चियगथ्यचियधालसा॥ मत्तोधावगुकर्ममया
नाव॥ थथिंगुसास्तिनयावचोनधक॥ वारंवारलु
मनकाव॥ थवचित्रयातकानुकचिनावतयमा
ल॥ छुछुधालसा॥ स्त्रीजातिजुयाव॥ मेवपुरुषम
काय॥ चषुं॥ वषुं॥ कीपतंगआदिं॥ मेवयापारा
मकाय॥ मेवयानूगलसस्याकेमतेव॥ मवियक
मेवयावस्तुकछुंकायमतेव॥ मवुगुगुंरुं

ह्यायमतेव मेव यात छोखंबूरं ह्यायमतव मेव
यात छाकवचनतयाव वोलवियंमतेव मिलयजुया
वचोनपि फायंमतेव मेवयाधनसलोभतयंमतेव
मेवयामभिं स्वयमतेव अशास्त्र एववला मधूला
धक प्रतीतमजुस्य सितावस्यंलि ह्या ह्याग्रथजुधक
धायमतेव अतेरिता दशाकशतपापधयाग्र ॥ ॥
हनं मेवयाजिलमजिल खं हायीगु छलययानाव
न्यरापमतेव छलययायधयाग्र चित्राकयाव इन
जुयग्र इनजुलसा हसपनसकैचनग्वलाव सा
स्तियायीव ॥ हनं धूसिंजुयाव जुनजुयीव ॥ हनं मेव
यास्वयमते ॥ वग्र गुप्रज्या स्वयमतेवग्र स्वतसा
मिखास अस्तुतियाव सास्तियानावतल ॥ अल
मनुष्यकानजुयाव जन्मजुल ॥ हनं म्वालय मेव ॥
यातदोषतयंमतेव दोषतलसा थवचसपोल
संतुंजुनावचोन ॥ थवप्राण थमतं ह्यायायमते
व गथ्यधालसा ॥ लीषसकवानावसितसा दोल
छिदंत ॥ हि रेवैजकनयाव जलपिशाचजुयाव

चोनीव योखायावसितसा संगुस थानावकयाव
दोलछिदंत पिशाचजुयावोचोनीव थव गलपत
स थमतं कियावसितसा दोलछिदंत नयमद
यकाव अगतिजुयाव दुःखसियावचोन अथ
दशाकशलपापधाय जितापापयातसां जिगु
नरकस सास्तियानावतल जिगुलिदोषदय
काव जन्मकायंमाल अतेयाणिमिनिर्न थग्र
लिमत्योव धावग्र कर्म सकतां पापकर्म धकसि
यके पापकर्मधयाग्र हाकगुधकसियके धर्म
धयाग्रनिर्मल जुयावचोनग्र लंखजुयावचोन
थहाकगु अपालंसोथनावतयाग्रथूलस निर्मल
जुयावचोनग्रलंखतयान गथ्ययचुजुयीव अथ
धर्मस्वरूपजुयावचोनग्रलंखन थहाकगुसोथना
वतयाग्रथलनि यचुकसित्य गथ्यसित्यधालसा
ज्ञानस्वरूपगुलाहातनव्य ज्ञानस्वरूपगुलाहात
नव्यधयाग्र गथ्यधालसा भिनपूवग्रधाल मिं
नंतुंलायकीव धक ज्ञाननंसियकाव थवपूरुष

या के या ना गु पाप थव पुरुष या के तुं पुसि प्रसन्न जुय
क सेवा या य ॥ हनं धर्म स्वरूप गुलं खन सिला गथ
सिल्य धाल सा ॥ ॥ हे प्रभु स्वसि छल पो ल या त थनि
न ह्या अपराध या ना व त या गू क्ष मा या ना व विजाय
माल ॥ थनि निस्पं जिन छल पो ल या के अपराध या
य म वृ त ध कं वारं वार सेवा या ना व पाप फु का मालं
॥ थयं मा म वौ व या के अपराध या ना गु पाप मा
म वौ व या के तुं वारं वार पुसि प्रसन्न या ना व आशी
वा द क या व पाप फु त के हनं गुरु या के जुल सां थ
यं देव या के जुल सां थयं ग्व ह या के पाप या त व
ह या के तुं सेवा या ना व न नानं पाप फु के गु स्व ॥ हनं
मोल हुय गू र्न थय गथ धाल सा ल छलं शि म ल
जुय क य चू के ध क मोल हु या व ल सिली व दु न्य
हा कू गू त या व पित्त ज क सिलान ल छलं ग थ य
चू जु यी व यी व पित्त ज कं य चू जु यी व दु ने जा हा कू
या व तुं चो न अथ थ हा कू गू लिक या व दु ने पि
न्यं य चू जु य का व ग्व ह स्त्री ज न न थ व स्वामि या के

सेवा या यी व ग्व ह मि सा ज न न त व ध न गु प रा प ला
त गथ धाल सा मि सा ज न या जु ल सां धर्म कर्म पु
रा प या य ती र्थ जा त्रा व न्ये वु त या य मे ले स वृ थ व
पुरुष या के छा न धाल सा मि सा ज न न थ व प्रभु या
के भिन गू व च न त या व मा न या ना या पू रा प न द
ह लो क हे च व गू व च न जु या व द ह लो क न मा न्य
या का व ज न्म जु ल थ व स्वामि या त सं सार या ना
या पू रा प न ग्व के ल सं रोग म ड ह जु या व चे ल भ्रा ति
नं सहि त या ना व रा नि जु या व ज न्म का लं ॥ हनं थ व
नू ग ल स क प ट म त ल्य ख क जु क व च न ल्हा ना व
सेवा या ना या पू रा प न सो म बा र ड या स न चो ना या पु
न्य लो ना व शो भा य मा न गू शरी र जु या व आ नं द गु कू
ल स ज न्म का ल ॥ थ व नू ग ल च त क न का व पुरुष
या के सेवा या ना या पू रा प न पू र्ण मा सि वु त चो ना या
फ ल ला ना व निर्म ल गु शरी र जु या व नु यू व र्ण जु या
व पर म सुं द री जु या व ते ज वी त जु या व भा ग्य मा नी
गू कू ल स ज न्म जु ल ॥ हनं थ व पुरुष या त सा क न का

व. चीजवीज आगंतयाव. सेवायानाया पूरण. संक्रांति
 या. फललानाव. संपूर्ण जुयावचोनग्र. महाजनया.
 कूलस. सरूप जुयाव जन्मजुल ॥ हनं. एकचिन्ननं
 स्वामि भक्ति जुयाव. सेवायानाया पूरण. सकादशी
 व्रतफललानाव. श्रीलक्ष्मीध्यानकाव. शुद्धगृह
 लसजन्मकाल. हनं. धवपुरुषयात. मौलद्वयका
 व. नुतिचायकाव. सेवायानाया पूरण. तीर्थस. स्नान
 यानाग्र पूरण. श्रीलोकेश्वरयात. अर्घ्यानाग्र पूरणला
 नाव. दिव्यसुंदरी जुयाव. आनंदजुयावचोनग्र.
 कूलसजन्मकाल. ॥ हनं. धवस्वामियात. वसतनभि
 नकपूनाकाव. भिनगूवसुक. धमनमनस्य. प्रभू
 यातनकेयात. लेनकावतयाया पूरण. संम्यकसं
 भोजनयानाया. फललानाव. गूणावति. ज्ञानवति.
 रूपवति जुयाव. पातेपद्मं वरधाय. जरितासयाव
 सुनपूनाव. स्वर्गसमानगृहकूलसजन्मकाल ॥ हनं
 शुभप्रकारनं. सकतांसेवायानाव. चीनस्वामिसाजन
 न. धवपुरुषसहितयानाव. अष्टमीव्रतयायीव. अ

धवाअष्टमीयाउपासन. एकचिन्ननचोनाव. श्री ३ करु
 णामययाके. श्रद्धाभक्तितयावफुनीव. हेदक्यागिया
 नाथ जुयाव विज्याकह. हेकरुणानिधान. जिप्रभूस्वामि
 प्रमुखन. जगतसंसार. रक्षायानाव विज्यायमाल. ग्व
 लतछलपोलयाथास. वयमफन. वलतं. छलपोल
 याके. सेवायायफयकाव. जिप्रभूस्वामिप्रमुख. नना
 नं वयक्यकाव. वरदानवियाव. विज्यायमालधक
 सेवायायीव. धवनि. लिथं. अवस्यनं. अष्टमीव्रतया
 फललानाव. त्रिरत्नयाके सेवायायफयाव ॥ सुखावति
 भवनस. सियवय. मन्वालकाव. जरितासयावसु
 नंपुनाव. हेरामोठियातिलहिलनंतियाव. श्री ३ अमि
 ताभ. श्री ३ करुणामयदरशनलायइपिं जुयावचोना
 दयीवधकं. श्रीधर्मन. आज्ञादयकाव विज्याकं ॥

इति श्रीधर्मलक्ष्मीसंवादेवतुर्थोऽध्यायः ॥ ४ ॥

भोलक्ष्मीदेवी. रुद्रुने. हनं. कन्यादानयाखंगथधाल
 सा. मनुष्यजन्मजुयाव. धवपूत्रीकन्यादानवियवेल
 स. एकचिन्नयानाव. तिलहिलनंसहितयानाव. दा

नयायफतसा. अपालंपुरायदयावचोनधकसियकाव.
 वकचिदाम. मकास्य. थवसंपत्तिया. अनुसारस्वयाव.
 अनेकवस्त्रनंपूनकाव. तिलहिलनंतियकाव. दक्षव
 स्नुकशिवयवियाव. थवपूत्रीयामायागयानाव.
 थवपूत्रीकन्यादानवियाह. जिलाजनया. जियमाल
 धकं. कल्याणानाव. कन्यादानवियावछेय. थवकन्या
 दानवियाग्रपूरणन. दोलछिवर्षन. देवलोकजुयावस्व
 र्गवासलायीव. थवजिलाजनयात. भोजनयाकाव. प्र
 तिपालयानावतयीव. वस्त्रमनूष्यात. समस्तपुस्तक
 लाकजुल. हन. दोलछिवाहाराभोजनयाकागुफलला
 कजुल. हन. गवस्त्रमनूष्यन. वकचिदामकयाव. कन्यादा
 नयात. थवस्त्रमनूष्यन. लिपतसजिमनिदेपुल्यमा
 ल. हन. कारणमदयकं. जिलाजनयाथासनयमते
 व. कारणदतसादोषमहु. थुलियाकारणस. जिलाज
 नप्रतिपालयायमालधकं. श्रीधर्मनश्रीलक्ष्मीयात.
 आज्ञादयकावविज्ञाकजुल. ॥ इतिश्रीधर्मिल
 क्ष्मीसंवादेपंचमोऽध्यायः ॥ ५ ॥

हन. धर्मन. आज्ञादयकावविज्ञात. ॥ भोलक्ष्मीदे
 वीद. इत्य. मनूष्यजन्मस. त्ववमत्यवविचारमयासेसा
 जलधूयायापापन. कृष्टरोगजुल. नवस्तुधूयायापा
 पन. थूथाजुल. कपासधूयायापापन. चार्किंजुल.
 कंसधूयायापापन. धूसिंजुल. ॥ सफुधूयायापापन.
 जेलजुल. ॥ अंनधूयायापापन. त्वसनजुल. ॥ दस्यन
 दानमयानायापापन. त्वसनजुल. ॥ मेवयाद्रव्यकुका
 यापापन. निःसंतानजुल. महादुःखिजुल. देवताया
 तजुलसां. मनूष्ययातजुलसां. निंदायानायापापन.
 दरिद्रजुल. कूजातकषसंगयानान. वातरोगनकल
 लु. धूयायापापन. नरकवासलात. ॥ मेवयातम्बा
 ल्यकसायानायापापन. त्वनुधोगित. पशुधूयाया
 पापन. नृसपूलितसायमाल. ॥ रत्नधूयायापापन.
 फोनावनयमाल. ॥ गुरुयास्त्रीनापजुयायापापन.
 सर्वांगिकृष्टरोगजुल. ॥ मेवयाकलात. फायावकया
 गुयापाप. नरकवासजुल. भूमिधूयायापापन. स्तू
 लुप्यान. दाकावतल. ॥ मत्पेगुर्वदनायापापन. नृ

सपनस गसू लिंग्वलातल ॥ मन्यो ह्यनमयपान
 या नाया पापन व्याद जुल ॥ गुप्तरं प्रकाशया नाया
 पापनं फंताना वसातियात अश्रुचियाना व दा
 नयानाया पापन भूची मुख जुल ॥ गुरुयात निंदा
 यानाया पापनं शतछि जन्मतक धूसहाखिचा जु
 या वजन्म जुल चंडालया कले जन्म कालवनी हनं +
 माम वौवयात डोहयानाया पापनं नुगलसयं
 ताना वसातियातं ॥ ॥ थुलिया निंति मन्यो धयागु
 मस्य नेमदयका मन वचन शरीरन पाप कर्मया
 यमतेव म्वाना चोतल्य फक धर्म कर्म दान याय
 माल धक श्री धर्मन आज्ञादयका वविज्यामी ॥

॥ इति श्री धर्मलक्ष्मीसंवादे वक्षुमोच्याय ॥ छ
 हनं श्रीलक्ष्मीदेवीन विमति यातं ॥ ॥ भो धर्मजिन
 छलपोलया के छुता विमति याय आज्ञादयका ववि
 ज्याय माल ॥ छुया कारणास वृक्षान जावमदिसे
 सृष्टियाना वचोन ॥ विष्णुन दश अवतार कया व
 छायादुःखसिल ॥ महादेवन छाया भिक्षाफोन जुल

चंद्र सूर्य छायादि गहिला वजुल ॥ पृथ्वीमातान छाया
 पृथ्वीकु वया वविज्यातं थुगसकतां जित आज्ञाद
 यका वविज्याय माल धक श्रीलक्ष्मीदेवीन विमति
 याक गुरुना व श्री धर्मन आज्ञादयका वविज्यातं

॥ भोलक्ष्मी इव थसंसारस तव धनचिकिध
 न धायमदु वृक्षा आदि देव लोकपनि जुल सां पूर्व
 जन्मस श्री ३ कसुरागमय याके सेवायाना गुरुपन
 वृक्षा धायका व सृष्टिकर्ता जुया वचोन थथं विष्णु
 धायका व माया कर्ता याना व दश अवतार कया व चा
 न ॥ हनं महादेवन संहार कर्ता याना व भिक्षाफो
 ना वजुल ॥ थथं चंद्र सूर्य नदि गहिला वजुल
 हनं देव दैत्य मनुष्य समस्तयां गुलिछि तव धन
 जुया व परमसंदरी जुया व जन्म काल गुलिछि कं
 गाल जुया व विरूप जुया व जन्म काल ॥ थथं संदे
 हमदु पूर्व जन्मस गुगु कर्मयात उगु कर्म थं जन्म
 जुया व चोन धक श्री धर्मन आज्ञादयका वविज्या
 तं ॥ ॥ इति धर्मलक्ष्मीसंवादे सप्तमोच्याय ७

पुनर्वार ॥ हनं श्रीधर्मन आज्ञादयकाव विज्यातं
 ॥ भोलक्ष्मीदेवीरुवः ॥ स्वसंसारसः थमनया ।
 नाग्रकर्मः थवतपेकपूनावचोनः देवलोकयात
 जुलसांसकलप्राशियात जुलसां धिनागूव्यावचो
 नः विशेषनं देवयाके गुरुयाके मामः वीवयाके
 थवपुरुषयाके मित्रयाके ॥ थनेयात दोहयाकल
 मनुष्यः विश्वासघातकः याकल मनुष्यः अष्टनरक
 सः महासास्तिनयमाली ॥ ॥ गथधालसाः सूमे
 रूपवर्तन आदिः ॥ हसगुपवर्तः ॥ थनेपृथ्वीमातानं
 कुव्यानः ॥ श्वातुमयावः ॥ दोहयाकगुः विश्वासघा
 तकयाकगुः ॥ अतिश्यातु धकः ॥ आज्ञादयकली ॥ ॥
 थूलियाकारणसः सुवनापदोहयायमतेवः विश्वा
 सघाटयायमतेवः विवेकसायमाल ॥ ॥ दीरडअ
 नाथवनावः उपकारयायमाल ॥ देवः गुरुः मामः
 वीवः थवपुरुषप्रभृतिः सदाकालं सेवायायमाल
 धकः श्रीधर्मन आज्ञादयकाव विज्यातं ॥ ॥
 ॥ इति श्रीधर्मलक्ष्मीसंवादे अष्टमोऽध्यायः समाप्तः ॥
 ८ ॥ संवत् १०४७ मिति आषाढशुक्ल १०

आदिपवारः ॥ थवपुरु महाबुद्धया श्रीविरमानन्दनः ॥
 पुस्तकचोयतिद्वयकावजुलं शुभम् ॥



प्रगतेनारितमैकमुनेन सखत्रे लोके त्योः
 नम मिहामिनाह
 के सुवकय्यावमाजि क्षितिमि हसुछे रिंवस हिंसा
 गारिदिका कमाज भये कैका मूकू नैस हसमा

ॐ नमो भगवते वासुदेवाय

[illegible][illegible]





2435 I